


Tumunu kich pwisin me ach community non fansoun towaw fesen

Met wewen towaw fesen?



Atowawa nefinom me ion aramas ouse nomwofengen non ew imw non ukukun onuw (6) fit. **Chufengen non towaw** pwan ew wewen ei towaw fesen.

Awora towaw fesen ina ew auchean mokutukutun tumunun meinisin non ach community esapw chènno ewe COVID-19.

Ifa usun ai upwe churi ekkoch ika use tongeni chufegen non foun aramas non ai we community?

Mei auchea non ei fansoun mei weires sipwe apochokuna fengeni kich. Ew anen atawei ei sokkun osukosuk iwe kopwe porous ngeni aramasom mei tongeok me io en mei pwan tongei me chungu.

Ikei ekkoch anen omw kopwe churi aramas fansoun towaw fesen:

- Mak ngeni chiecheiomw me aramasom.
- Aporous ngeni aramas won fon.
- Koko won video.
- Mak taropwe non posto me card.
- Aisini aramas ifa usur.
- Fich sasing fengen won computer.

Met upwe fori ai upwe pwisin anisi ai ekiek epwe kinamwei non ei fansoun?

Nuokus me eurek ekkoch memef mei pwisin nonom ren emon me emon aramas fansoun osukosuk. Mei auchea pwisin tumunuk me pwan ekkoch. Porous ngeni noum toker nupwen osukosuk epwe toruk non fansoun omw fori angengen iteiten raan.

Ikei ekkoch mettoch en mei tongeni fori pwe kopwe pwisin anisuk:

- Asoso seni katon news.
- Fori mettoch en mei pwapwaiti.
- Ngaseti me ngasetiw.
- lotek.
- Mongo met mei eoch ngeni inis.
- Taiso me awenechu etenin.
- Anafu omw mour.
- Kosapw angei sakaw me pwan ekkoch drugs.
- Awora fansoun ngaseti.
- Nonom non aneaneoch.
- Chechemeni pwe memef mei tongeni kisikisino.

